



Broj: 01/6-50-1-32-12/05
Sarajevo, 11.03.2005.

Današnje: 16.3.2005			
Org. jed.	Broj	Prilog	Ujednost

ZAPISNIK sa 12. sjednice Komisije za saobraćaj i komunikacije

Sjednica je održana 11.03.2005. godine sa početkom u 09,00 sati.
Sjednici su prisustvovali članovi Komisije:

- | | |
|-----------------------|---------------------|
| 1. Miloš Jovanović, | 5. Adem Huskić, |
| 2. Muhamed Moranjkić, | 6. Nenad Mišić, |
| 3. Ivo Lozančić, | 7. Ruža Sopta |
| 4. Selim Bešlagić, | 8. Milorad Živković |

Član Komisije Izet Hadžić, koji je opravdao odsustvo, nije prisustvovao sjednici.

Sjednici su prisustvovali: Beriz Belkić, poslanik u Predstavničkom domu, dosadašnji privremeni sekretar Komisije Milan Zjajić, novoimenovani sekretar Komisije Vedran Hadžović, studentkinja stažist Jasmina Sazdovski i Isanović Edin iz Istraživačkog centra PS BiH.
Predsjedavajući Miloš Jovanović je predložio sljedeći:

DNEVNI RED

1. Verifikacija Zapisnika sa 11. sjednice održane 17.02.2005. godine
2. Prijedlog zakona o Javnom radio-televizijskom sistemu Bosne i Hercegovine, predlagač Vijeće ministara BiH,
3. Ostala pitanja.

Dnevni red je jednoglasno prihvaćen.

Ad. 1. Verifikacija Zapisnika sa 11. sjednice održane 17.02.2005. godine

Komisija je jednoglasno verifikovala zapisnik sa 11. sjednice, uz prihvaćenu primjedbu člana Komisije Adema Huskića da Zapisnik ne sadrži podatak o amandmanima na Prijedlog zakona o osnovama bezbjednosti saobraćaja na putevima u BiH, koje je podnio na ovoj sjednici.

Ad. 2. Prijedlog zakona o Javnom radio-televizijskom sistemu Bosne i Hercegovine, predlagač Vijeće ministara BiH

Prije otvaranja rasprave predsjedavajući je konstatovao da su na predloženi zakon amandmane uložili: poslanik Nikola Špirić i Klub poslanika HDZ.

Takođe, predsjedavajući je upoznao Komisiju sa dopisom ministra za saobraćaj i komunikacije, Branka Dokića, kojim Komisiju obavještava da predstavnici Ministarstva nisu u mogućnosti da prisustvuju sjednici Komisije, s molbom da se sjednica odgodi. Predloženo je da, u skladu sa članom 85. tačka 2. Poslovnika Predstavničkog doma Parlamentarne skupštine BiH, zbog neprisustva predlagača sjednici, Komisija utvrdi da je prisustvo predlagača neophodno i da odgodi raspravu ovom pitanju za 21 ili 22. 03 o.g., uz obavezno prisustvo predstavnika predlagača.

Prisutni članovi Komisije su podržali ovaj prijedlog, uz ozbiljnu zamjerku na odnos Vijeća ministara posebno nadležnog Ministarstva za saobraćaj i komunikacije prema Komisiji.

Ad. 3. Ostala pitanja

Na prijedlog Muhameda Moranjkicia, Komisija je jednoglasno odlučila da se od Kolegija Predstavničkog doma traži da od Vijeća ministara, konkretno Ministarstva za saobraćaj i komunikacije zatraži da odgovore na pitanja koja su im postavljena na 8. sjednici Komisije održanoj 15.07.2004. godine, na koja, i pored urgencije Komisije, još nije dobijen odgovor. To su sljedeća pitanja, odnosno podaci koje treba dostaviti:

1. uslovi i kriteriji za raspodjelu dozvola, ko je i na osnovu čega propisao uslove, mikro i makro raspodjelu dozvola, te da se dostavi Pravilnik kojim je to regulirano;
2. uslovi za rad korisnika, pogotovo potreban broj vozila kojima korisnici moraju raspolagati;
3. pojašnjenje legendi koje se nalaze u datom Izvještaju, kao i vrste i oznake dozvola, dozvole vezane za međungranični saobraćaj. Za sve treba dostaviti originalnu dokumentaciju;
4. ko je ovlašten za dodjelu dozvola i kako se dozvole dodjeljuju, da li dozvole dodjeljuje Komisija ili neko drugi;
5. postupak oduzimanja dozvola;
6. prava cijena dozvola, ko je i na koji način formirao cijene, na koji način i kome se naplaćuju dozvole po vrstama i vremenskom korištenju;
7. koji prevoznici su tražili a nisu dobili dozvole i zašto;
8. spisak članova Komisije za raspodjelu dozvola i od koga je Komisija formirana;
9. zapisnik o radu Komisije o raspodjeli dozvola;
10. obavještenja prevoznika o raspodjeli dozvola i kada su dozvole dobijene a kada su uručene.

Kako nije bilo drugih prijedloga za ovu tačku dnevnog reda predsjedavajući je u 10,45. sati zaključio sjednicu.

Napomena: Sastavni dio ovog zapisnika je stenogram koji sačinjava Zajednička služba Parlamentarne skupštine BiH.

SEKRETAR KOMISIJE
Vedran Hadžović

PREDSJEDAVAJUĆI KOMISIJE
Miloš Jovanović